


Biblia alang sa Kabataan motanyag



Ang mga Lalaki nga Dili Moduko



Gisulat ni: Edward Hughes

Gihulagway ni: Jonathan Hay
Alastair Paterson

Gipahaom ni: Mary-Anne S.

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.

1

Naghimo si Haring Nabucodonosor ug
dakong estatuwa nga bulawan. Bulawan
kadto, gikan sa ulo hangtod sa tiil.

Tingali nakalimtan sa hari ang
damgo nga gipadala sa Diyos
aron sultihan siya nga ang
iyang bulawan nga gingharian
dili molungtad hangtod sa
hangtod. Tingali naghunahuna
siya nga kung maghimo
siya ug usa ka estatwa nga
kompleto sa bulawan, unya ang
Pulong sa Diyos sa iyang
damgo dili matuman.



2


Usa sa mga alagad sa hari mibasa sa sugo ngadto sa tibuok katawhan: "... mohapa ug mosimba ka sa bulawan nga estatuwa ... Ug bisan kinsa nga dili mohapa ug mosimba itambog ngadto sa taliwala sa nagdilaab nga hudno sa kalayo."



3

Gibuhat sa tanan ang gisugo sa hari - gawas sa tulo ka lalaki. Kining mga tawhana mao ang mga Hebreohanon. Sila mao si Sadrach, Mesach, ug


Abednego, mga higala ni Daniel. Morag wala didto si Daniel niadtong higayona, kay seguradong modumili usab siya sa pagsimba sa hinimog-tawo nga idolo.



4

Ang maalamon nga mga tawo sa hari nasina kang Daniel ug sa iyang mga higala tungod kay ang hari nakagusto kanila. Busa sila miingon, "Adunay tulo ka tawo nga imong gibutang nga mga magmamando sa lalawigan sa Babilonia - si Sadrach, Mesach, ug Abednego. Kining mga tawhana, Oh hari, wala motuman kanimo. Sila wala mag-alagad sa imong mga dios ni mosimba sa bulawan nga estatuwa nga imong

gipahimutang."



5

Si Hari Nabucodonosor napuno sa kasuko. Gipasidan-an niya sila, "Kon dili kamo mosimba, itambog kamo ngadto sa taliwala sa nagdilaab nga hudno sa kalayo. Ug kinsang dios ang makaluwas kaninyo gikan sa akong kamot?"




6

Ang hari nakahimog dakong sayop. Gihagit gyud niya ang buhi nga Diyos. Ang tulo ka Hebreohanong lalaki nahibalo nga supak sa balaod sa Diyos ang pagsimba ug estatuwa. Nagpabilin silang nagbarog. Tungod kay misalig sila sa Diyos, wala sila mahadlok sa hari.



7

Kining tulo ka maisog nga mga tawo adunay tubag alang sa hari. Miingon sila, "Ang among Dios nga among gialagaran makahimo sa pagluwas kanamo gikan sa nagdilaab nga hudno sa kalayo. Apan kung dili, hibalo i kani kanimo, Oh hari, nga kami dili moalagad sa imong mga dios, ni mosimba sa bulawan nga estatwa nga imong gibutang pataas."



8

Nasuko si Hari Nabucodonosor! Siya misugo nga ilang ipainit ang hudno sa pito ka pilo nga labaw pa kay sa naandang pagpainit niini. Sa gihapon ang mga lalaki dili moluhod.



9

Ang hari nagsugo sa gamhanang mga tawo sa iyang kasundalohan sa paggapus kang Sadrach, Mesach, ug Abednego,

ug ihulog sila ngadto sa nagdilaab nga hudno sa kalayo.



10

Ang hudno init kaayo nga ang mga tawo nga naglabay kang Sadrach, Mesach ug Abednego ngadto sa kalayo nangamatay sa kainit.



11

Ang hari nagtan-aw gikan sa luwas nga gilay-on. Nakita niya ang tulo ka lalaki nga gilabay ngadto sa tunga sa nagdilaab nga hudno. Apan dili lang kana ang iyang nakita.




12

Natingala si Haring Nabucodonosor! "Dili ba tulo ka tawo nga ginapus ang atong gilabay ngadto sa taliwala sa kalayo?" nangutana siya sa iyang mga katabang. "Oo," mitubag sila. Miingon siya, "Tan-awa! Nakita ko ang upat ka mga lalaki nga wala gapos, nga naglakaw sa taliwala sa kalayo, ug wala sila maunsa. Ug ang ikaupat sama sa Anak sa Dios!"



13

Miduol sa pultahan sa nagdilaab nga hudno sa kalayo, ang hari misinggit, "Sadrach, Mesach, ug Abednego, mga alagad sa Labing Halangdon nga Dios, gumula kamo!" Unya si Sadrach, si Mesach, ug si Abednego, nanggula gikan sa hudno sa kalayo.



14

Ang tanan nagtigom ug gisusi ang tulo ka Hebreohanon. Ilang nakita nga ang kalayo walay gahum sa pagsunog kanila. Ang ilang buhok wala mapaso ug ang ilang mga bisti wala masunog. Wala gani silay baho sa kalayo.



15

Sa dihang iyang naamgohan ang nahitabo, si Haring Nabucodonosor naghimo ug usa ka butang nga maalamon kaayo. Siya nag-ampo, ug miingon: Dalayegon ang Dios ni Sadrach, Mesach, ug Abednego, nga nagpadala sa iyang Anghel ug nagluwas sa iyang mga alagad nga misalig Kaniya.



16

Ang mga Lalaki nga Dili Moduko

Estorya gikan sa Pulong sa Dios, ang Biblia,

makita sa

Daniel 3

"Ang pag-abot sa Imong mga Pulong nagahatag og kahayag." Salmo 119:130

17

Ang Kataposan

33

60

18

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios: Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab. Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

19